

ალმანახი № 1

ერტობა

მკითხველთა საყურადღებოდ
სალიტერატურო მხატვრული ალმანახი
დროგამომწვევით გამოვა სხვა-და-სხვა სა-
ხელებით, ყოველგვარი მიწერ-მოწერა და
საბეჭდი მასალები, და ფუტლები გამოიგზა-
ვებაშელოდ ვალერიას გუნიას სახელო-
ბაზედ შემდგის მარტვიის ადრესით:
Tiflitz Valerianu Gunia.

◆ სალიტერატურო მხატვრული ალმანახი ◆ სურათები, ნახატები და კარიკატურები. ◆

შენდამი

(გუძღვნი ილია ჭავჭავაძის ხსოვნას)

ნუ ეკვობ, მაინც შენი ვარ,
ვიდრე სულს ვლადავ ტანჯულსა
მინამდე სამუდამოდა
ჩემს მზეს არ ჰნახავ ჩაქრულსა;



ილიას ძეგლი.

ი. ნიკოლაძის პროექტით, რომელიც მოწონებულ იქმნა
და რომელიც მგონის საფლავზე დაიდგმის.

მაშინაც ვერ მომიშორებ
შენს გულს და გონში ჩაქსულსა.
ნუ ჰფიქრობ ტანჯვით ცხოვრებამ
მომიკლას შენი ტრფიალი:
რად მინდა უშინაარსო
სიცოცხლე ოხერ-ტიალი.

გასაღკლდევებულს აზრითა
რას მიზამს შხამის ფიალი?
ზედ მოხეთქება მეხისა
თავზე ყვაე-ყორანთ-ფრიალი?
დღესნამდე შენდამი ტრფობა,—
ახლა კი ვიტყვი კვეხნითა,—
თუ მოვიტანე უენებლად
გვემული ათას მეხითა,
დღეიდან ოხერ-მოხრები
მას ვერ გასთელენ ფეხითა;
ვერ ამომგლეჯენ გულიდან
ვერა რომელი ხერხითა.
იმატებს ტანჯვა?—უწყიდე
ტრფობაც აიწვეს მეტადა:
აიშლის ფაფარს მრისხანედ,
სდგეს იაღბუზის ქედადა;
ის მუხლს გიყრიდეს და შენ კი
თავს დასცქეროდე ღმერთადა...
შენ რომ გახსენებ, ვინ შენა?
ნიანგნი სცქვეტენ ყურებსა.
ერთი უყურეთ, უყურეთ,
მაგ სისხლის მწოველს თულებსა!
ბრიყვების სმენა ღირსია
ვასმინო შენი სახელი?
თვით გიცნობს ვისაც უყვარხარ,
არ არს საჯაროდ სათქმელი!
ლოგინად ეკალს მიგებდე,
ზედა ვწვებოდე შიშველი,
გზაზეც მიფენდე,—მაინცა
რაც შემოძლიან გიშველი.
უნდა დავადნო შენს ბედსა
თვალი და გული ფხიზელი,
რადგან სხვა საშუალება
გამიქრა როგორც წინწელი.
ავიგებ ხელოვნურ ტაძარს,
ბუნება ჰყვანდეს მთეველი:
ვარსკვლავნი ცისა, მზე—მთვარით
ზღვა, ხმელეთზედა ტყე-ველი,
ია და ვარდი უქკნობლად
შენს თავზე ყვაილთ მრხეველი,
ბულბული სოროდან გველის

ჩაქსულსა

Handwritten red text and markings on the right side of the page, including a large 'X' and some illegible characters.

ტკბილის ხმით გამომწვეველი,—
 თვით სიხარული ერისა
 უზრეტი, დაულეველი—
 და წმინდა სული მთათ თხემთა
 ქეშმარიტების მფრქვეველი.
 თავზე დაგხურავ მანდილსა,
 უნდა შეგმოსო კაბითა
 იაფით... ფასს თუმც ვერ სდებდენ
 ნაკერსა დიდის ჯაფითა.
 ჩემთ კრემლთა ლილეებს შევებამ
 მოქარგულს ტროფობის ძაფითა,
 უკვდავს ვქმნი შენსა სახელსა
 დღეს შემურვილსა ლაფითა.
 შემეკობილს აზრით და გრძნობით
 მეც თან გახლდები ლაფითა.

ვაჟა-ფშაველა

აკაპის საიუბილეოდ

მშობელი ქვეყნის მოაზრევე,
 უნდა გიმღერო მთურადა:
 იმავ ჭირით ვარ სწეული
 რაც შენ გატყვია წყლულადა.
 რა უყოთ ბედი, შავ-ბედი
 თუმცა გვექცევა მგლურადა
 მაინც ვაჟღერებ ჩონგურსა
 მტარვალთა შესამურადა,—
 შენ სამახსოვროდ, მგოსანო,
 თავს ჩაჩქნად დასახურადა.
 თუნდ არ მოგწონდეს, იქნება
 ჩემის ფანდურის ჩხაკუნი,
 მიიღე სარეკალასი
 როგორც წისქვილში რაკუნი
 ეს ჩემი შენთვის მოძღვნილი
 სალაში გრძნობის ნაჟური.
 დღევანდელ დღესა არ ძალ-მიძს,
 არ ჟღერდეს ჩემი ფანდური.
 ილიაც მესაუბრება
 უნდა დაუგდო მას ყური.
 დავალებული გულისა
 უნდა ამოთქვას ენამა:
 წყლულები საქართველოსი
 გაიგო შენმა სმენამა.
 მეც ამატირა ბევრ ჯელა
 შენს თვალზე კრემლის დენამა
 ნეტავი ბევრი გაზარდოს
 შენისთანები დედამა.
 რომ მიყვარს მამულიშვილი

დაე იცოდეს ყველამა,
 გადაგვარების მოსურნე
 შაჰამოს ტურა-მელამა!..
 მადლობელი ვარ ღვაწლისთვის
 შოთაის სულის ღმერთმა—
 სამშობლოს სამსახურისთვის
 ჩანგი გიკურთხოს ზენამა!..

ვაჟა-ფშაველა

შთაბეჭდილებანი

XIII *)

იმელთა რყევა

პოეტს ნება აქვს უმცირესი მოძრაობა გრძნობისა გვაუწყოს. დალოცვილს სადმე, ზღვის პირათ, ლამაზი ქალი დაუნახავს უნებლიედ აღძვტვრია სურვილი ტალღებთან ერთად შეეხოს ტურტას პატარა ფეხებს, და ამ გრძნობის გამომხატველ ლექსს ხელით ვატარებთ, არ ვიფიწყებთ.

მაშ, რათ უნდა დამიწუნოთ, თუ სადა პროზით, გულუბრყვილოდ გამოამჟღავნებ, რაც ამ თვეში გულმა იგრძნო და გონებამ გაზომა?! ამ ერთს თვეში ბევრი რამ მოხდა ჩვენს ცხოვრებაში. აქ ცისარტყელამ გადმოგვხედა, იმედი აღაფრთოვანა... იქ ნისლი გადაეფარა ნავარაუდევს სიამოვნებას.

დიდებულ პოეტს თავიანი ვეცით, სიყვარულისა და სათნოების მთესველს მაღლი შევსწირეთ სულთა განსპეტაკებისათვის, ჭირში და ღმერთში ჩვენთან მყოფ ნათესავ-ჭირისუფალს აღტაცებითა და პატივისცემით სამაგიერო, საუკუნო სიყვარული გამოუცხადეთ. გრძნობდით, ხედავდით, რომ საქართველო შეერთებულა ერთის აზრით, ერთის სურვილით ერთის ადამიანის გარშემო. ბევრიც უთხარით ხან ეზოპისა და ხან სიმბოლიურის, თუ გნებავთ ბუნდოვანის, ენით.

მაგრამ რა ვაკეთეთ იმ ადამიანის სასიამოვნოდ, იმ ადამიანის სადიდებლად, რომელიც ორმოცდაათის წლის განმავლობაში მუდამ დღე გვეუბნებოდა—ჩემს ჩანგს ეშხით არ უჟღერია, რადგან ვიცი სატრფო ჩემი მკვდარიაო? არაფერი, სრულიად არაფერი! მთელ საქართველოს ყოველი კუთხიდან იყვნენ წარმომადგენლები, ფსიხოლოგიური მომენტს საუკეთესო იყო ჩვენი საერთო, სავალალო მდგომარეობის გამოსარკვევად, და ჩვენ კი დავიშალეთ უნაყოფოდ, უშედეგოდ, უშინაარსოდ.

ჩვენი ეკონომიური დაქვეითება, ჩვენი მწკრილობის დაცემა, ჩვენი ხასიათის დაქუცმაცება, ზო-

*) ამ წერილის დაბეჭდვამ, სამწუხაროდ, დაიგვიანა.

გჯერ ჩვენი ფიზიკური ავთამყოფობანიც კი ერთადერთი მიზეზის ბრალია, ერთად ერთის უკუღმართობის, და თუ ვისმე ანტიერესებს მეცნიერება, ხელოვნება, ხალხის ეკონომიური, ზნეობრივი თუ ფიზიკური განვითარება ამ მიზეზის აღმოფხვრას უნდა მოანდომოს **ჯერ-ჯერობით** მთელი თავისი ძალა. ბიორნე, გამოჩენილი გერმანიის პუბლიცისტი, ამბობს სადაც, მე ჩემის სამშობლოს ავთამყოფობით ვარ ავთათ... მორჩება ის, და მეც მოვრჩებიო, განა ყოველი ჩვენგანი არ განიცდის სხვა და სხვა ძლიერებითა და სხვა და სხვა სიღრმავით ამავე ავადმყოფობას? ჰაი, ჰაი რომ განიცდის. სრულს ჭეშმარიტებას ბრძანებს ბ. ჯავახიშვილი, რომ არც ერთს ერს არ აქვს ისეთი სევდიანი სახე, როგორც ქართველ ერსაო. სახის დასევდიანებაში „ბედი ქართლისა“ იყო დანაშაული. შეხედეთ თვით განცხრომისა და სიამოვნების დროს, რა მწუხარებით სავსეა ქართველ ახალგაზდას სახეც კი... აღარ კმარა? ჩემს ნათქვამს ბევრი ამბობს, ყველას კი გულში იგივე აზრი აქვს, მაგრამ, როცა დროს ვიშოვით, პატარა საქმის, სულ პატარა სამზადისის დაწყების მაგიერ, ერთმანერთის ქებას ვუნდებით, და უკეთესს მომავალს მოველით გულხელ დაკრფილი. სანამდის, როდემდის? აი აკაკის იუბილიის შემდეგ გამართულ ბანკეტზე პატარა წრე მაინც დაგვევარსებინა, აკაკის სახელობაზე, რომელსაც მიზნათ ექნებოდა დასთა და ჯგუფთა შორის **ერთის** რომელიმე **საკითხის შესახებ** შესაძლებელის ერსულოვანების დამყარებისა. მაგრამ არა... ეს შეუძლებლად მიაჩნიათ და ლაპარაკი კი, ლაპარაკი... ზრთლაც რომ დაუთავებელი შეიძლება, მით უმეტეს ერთმანერთის ქება. არსად არც წამიკითხავს და არც გამიგონია (იმერელი ვარ, და აბა უხამსო ქებით ჩემი გაკვირვება ძნელი უნდა იყოს!) ისეთი აღვირ-წახსნილი ქება, როგორც ჩვენს ინტელინგენციაში არის გამეფებული. პატარა წრეს რომ ნახავ ინტელიგენტთა მათი სიტყვების მიხედვით გეგონება, — აქა „უკვდავთა აკადემიაო“. ეს კიდევ რაღა შავი ჭირია? ესეც „ნესტანის“ უბედურების ნაყოფია — არ გვაქვს ადგილი, არ გვაქვს შეძლება ჩვენ ჩვენი პატარა თუ დიდი ნიჭი და ცოდნა გამოვიყენოთ, და ვატლიკინებთ (მომიტყვეთ მდაბიური პროვინციალიზმი) ენას, ენას ვიფხანთ. ესეც ხასიათის დაქვეითებას აღნიშნავს. ესეც ერთი გზათაგანია, რომელსაც რომში უნდა მივყავდეთ! ყოველ შემთხვევაში ასე უფერულად დაბოლოვება აკაკის იუბილეს, აკაკის, რომელსაც სრული უფლება აქვს თავის თავზე სთქვას ჰეინეს სიტყვები: „მე ვიყავ

ცეცხლი, მე ვიყავ ხრმალი“ მომაკვდინებელ ცოდვით უნდა ჩაეთვალოს ქართველ ინტელიგენციას, და თუ გნებავთ, ხალხსაც.

*
**

ყოველგან თეატრის გახსნა სანატრელ, სასიამოვნო დღესასწაულს წარმოადგენს. ჩვენთვის კი თეატრი უკანასკნელი ნავთსაყუდელია, სადაც **ჯერ** კიდევ დაუბრკოლებლად გვესმის მშობლიური ენა. ეკლესია, ღვთის ვედრება მშობლიურ ენაზე წავგართვეს; სკოლა, მეცნიერება — წავგართვეს; დაწესებულებებში, სააღებ მიმცემო დაწესებულებებშიაც კი არ შეიძლება დედა ენაზე საქმე მოავგართ... დარჩა ერთად ერთი ადგილი — თეატრი... იქ მარტო ხელოვნება კი არ არის, იქ მარტო ხელოვნებას კი არ ვეძებთ... იქ მივდივართ რომ ერთხელ მაინც მოვიგონოთ წმინდა ქართული, ვიგრძნოთ ქართული ატმოსფერო..

მაგრამ ქართლ-კახეთის დეპუტატთა საკრებულო თითქოს განგებ ეცადა აქაც ჩაესხა შხამი, აქაც მოეკლა იმედი!

მარტო საწვევი ბარათები რათ ღირდა! ქართული დაწესებულება ქართულ თეატრსა ხსნის, ქართველ საზოგადოებას იწვევს და საწვევ ბარათებს კი უცხო ენაზე აგზავნის ეს რაღაც დაცინვაა. თუ ზოგიერთმა სტუმარმა არ იცოდა ქართული, განა მათთვის არ შეიძლებოდა განსაკუთრებული წერილების დაბეჭდვა, ან დაწერა? სტუმრების პატივისცემით, ვინ ჰყო უარი ოჯახის ჩვეულებაზე, ვინ დაიწყო სხვა ღვთის ლოცვა, ვინ შესცვალა დედა-ენა? მესმის კიდევ, როცა სტუმარი ოჯახშია, იმ ენაზე იბაასოთ, რომელიც სტუმარს ესმის, მაგრამ სამზადისის დროს თქვენ რათ უნდა დაივიწყოთ თქვენივე ენა? სტუმარი თუ ზრდილია, ეცდება ორიოდ სიტყვა მაინც გაიგოს თქვენის ენის. ჩვენ კი ასეთს მიდრეკილებას ვერც ერთს სტუმარს ვერ ვამჩნევთ, და უზრდელობათ ვერავინ ჩამოგვართმევს, თუ არც ჩვენ ვეცდებით მათთვის გასაგებ ენაზე ვილაპარაკოთ! ესლა ერთს კუთხესაც ვეღარ ვნახავთ, სადაც სტუმრები არ დაბანაკებულიყვნენ, და თუ ჩვეულებრივ ზრდილობას ვაყვებით, თქვენი მტერია, ქართულად კრინტსაც ვერ დავძრავთ!

თუ ასეთი ზრდილობიანი ვართ, არ სჯობდა წერილის სიტყვები ზრდილობიანათ აგვეწყო. რას ნიშნავდა ულაზათო წინადადება ზოგიერთ საწვევ ბარათზე „Не ближе 11 ряда“? ბარათზე უნდა იყოს აღნიშნული ადგილი, მაგრამ ბილეთის პატრონს აზრათაც არ უნდა მოუვიდეს, რომ დამპატივებულისთვის მე ღირსი არ ვარ რომელიმე უკეთეს

ადგილისა. ეს „не ближе“ კი ძალა უნებურად აფიქრებინებს წერილის მიმღებს, უფრო კარგის ადგილის ღირსად არ მრაცხვენო.

თეატრის სხვა და სხვა ზედ-წარწერებიც ყველა უცხო ენაზეა. რატომ? რისთვის? ნუ თუ მთელს თფილისს ერთი სახლი არ უნდა ქონდეს, რომელსაც ეტყობოდეს ქართული ელფერი? რა დააშავა ქართულმა რომ ასეთის ერთსულოვანებით ყველა ვერკეებით სამზარეულოსაკენ და გამოსაჩენ ადგილებიდან კი ვლევით? ვინ დაგვიშლიდა, ვინ გაგვიჯავრდებოდა, რომ კედლებს სწერებოდა „შემოსასვლელი“ „გასასვლელი“ და სხვა... შეხედეთ სომხებს... პატარა მალაზიებს, ღუქნებს უკვე სომხურად აწერენ... ჩვენ კი, აბა მიჩვენეთ მთელს ქალაქში ქართული ზედ წარწერა.

ყველაფერი კარგი, მაგრამ ვისთვის ხსნიდენ ქართულ თეატრს? მე მგონია ქართველობისთვის. თუ ჯერ-ჯერობით თეატრი იავორსკის ქალს აქვს დათმობილი მხოლოდ სიღარიბის გამო. მაშ, ახალი თეატრის განვითარებისათვის საჭირო იყო იგი შეეხალისებინათ, შეეყვარებინებინათ იმათთვის, ვინც ვინდა რომ მუდმივ დაიარებოდეს თეატრში. სად იყო ქართველი ვაჭრობა, სად იყვნენ მუშები, ჩვენი ახალი თაობა, ხელ-მოკლე ქართველი მოხელენი, — ეს ქართული თეატრის მარჩენელნი და ბუნებრივი სტუმრები? ორ-ორ კაცს თუ დაინახავდით მათგან თითქოს აქ გამოსაფენათ მოუყვანიათო. მაგიერად რაც ტფილისში სტატისკის სოვეტნიკებიდან დაწყებული მოხელეებია შეეყარათ... გეკუბას არაფრად ვენაღვლებით, — ჩვენ კი თვალში ვეჩრებით, მაშინაც კი, როცა არ გვეძახიან.

თეატრი მოხდენილია. უფრო ლაზათიანი იქნებოდა, რომ მეორე იარუსის (ბელ-ეტაჟის) ლოჯები ცოტა დაბლა იყოს, თორემ ეხლა ლოჯები ქანდარას წააგავს. განათება კარგია. კანდელები ძლიერ ლამაზია. ფარდაც ორგინალურია.

თეატრის გახსნის დროს პოპური, მაზურკიდან და ვალსიდან შემდგარი, გვაკვირვებდა. ასეთი მუ სიკა ყავახანას შეეფერება და არა თეატრს.

ფარდა აიწია. მოკლე ისტორიის გადმოგვცემს ლექტორი... მოკლე ისტორიის ქართული თეატრისას... რუსულად... მოგვწყინდა ამაზე ლაპარაკი. კარგი წაიკითხეთ რუსულად, მაგრამ მიზანი მაინც დაისახეთ შესაფერი. შეკრებილი იყო მთელი მოხელეთა ჯარი.

იმით ჩვენი თეატრის ისტორია იციან თუ არა ჩვენთვის სულ ერთია. ხოლო მათთვის რომ აეხსნა და საბუთებით დამტკიცებია ლექტორს, თუ რა

გონებრივი მოძრაობა იყო მე-XVIII საუკუნეში საქართველოში, თუ როგორ ვეწაფებოდით ევროპულ განათლებას, როცა ჩვენ რუსეთს მფარველობა ვთხოვეთ, და მოულოდნელად ყმებათ გავხდით, დიდს სამსახურს გაგვიწვედა. ამ მოხელეებს ველურები ვგონივართ და ველურად გვეპყრობიან; — იქნებ ოდნავ შეწითლებულიყვნენ, როცა გაიგებდნენ, რომ მე-XVIII საუკუნის ჩვენი კულტურა არ ჩამოუვარდებოდა რუსეთის მაშინდელ კულტურას.

ამ აზრის დამტკიცების მაგიერ ჩვენ ისეთი პიესით გაუმასპინძლდით სტუმრებს, რომ მართლაც დავამტკიცეთ არა მარტო სიველურე ქართველი მდაბიო ხალხის, არამედ გემოვნების უქონლობა ინტელიგენციის მიერ. განა არა აქვთ უფლება უცხო პირებმა სთქვან: რათ უნდათ ამ მხეცებს თეატრი, როცა უდიდესის დღისათვისაც კი ვერ მოუნახავთ უკეთესი პიესა, ვიდრე გინებისა, მთვრალობისა და ღრიალისაგან შემდგარიო.

ბ. ფალიაშვილის ლოტბარობით ფილარმონიული საზოგადოების ხორომ ჩვეულებრივ მწყობრად იმღერა.

ბ. ნატრაძემ თავისი კანტატით სრულიად ჩააქვავა დღესასწაული. იქნებ მუსიკალური ნაწარმოები მშვენიერიც იყოს, მაგრამ აქ ჩვენ უფრო გვაინტერესებს, თუ როგორ ეპყრობა ბ. ნატრაძე და დრამატული საზოგადოება თავის მოვალეობას ურეპტიციოდ ბ. ნატრაძე ბედავს და დრამატული საზოგადოება ნებას რთავს გამოვიდეს ხორო, და რა გასაკვირველია, რომ ხორომ ვერ შეუწყო ხმა ორკესტრს, აირ-დაირიენ...

პაწია ბავშვს მაინც მივბაძით. როგორ დაკვირვებით იწყებს ბავშვი პირველად სიარულს, როგორ ცდილობს ბაღლი თანასწორობა დაიცვას, მოკლედ აბიჯებს, ფართოდ ადგამს ფეხებს, ხელებს ატორტმანებს ჰაერში... ჩვენ კი ჩვენს სახელსა და ჩვენს ნაწარმოებსაც კი ვავდებთ საფრთხეში...

* *

B—moll, C—dur... არ ვიცი რას ნიშნავს კონტრ-ალტს, სოპრანოს, ტენორს, დამიჯერეთ, ერთმანერთში ურევ საარაკოთ.

Do, re, mi... რომელითაც გნებავთ იმით იმღერეთ — ოღონდ, რომ იმღერით დამივიწყეთ ეს ქვეყანა, აღმიძარით გაუგებარი, შეუგნებელი სიამოვნება, ტკბილი ოცნება, ერთის სიტყვით, დამატკებთ.

ასე ბჭობს ყოველი მსმენელი. სპეციალისტებმა მხოლოდ გაზომა იციან, თუ რითი მოახერხა მომღერალმა თავისი დანიშნულების აღსრულება.

მაგრამ ძველი საზომი ხშირად ვერ ასრულებს

თავის დანიშნულებას; გასაზომი საგანი სხვა სიდიდის სხვა კათეგორიის ჩნდება ზოგჯერ ვიდრე მიგვიჩვევია ყური... და დიდებულს მუზიკანტს, მსმენელთა დამტკობებელსა, უხირდებიან სპეციალისტები.

ასე დაემართა ჩვენს ხმის გენიოსს ბ. სარაჯიშვილს. ეს ხმის გენიოსი კიდევ რაღააო, მკითხავს განცვიფრებული მკითხველი.

ყოველი საშუალო მომღერალი გადმოგცემს თავის გულის ვითარებას და თქვენშიაც გამოიწვევს თანაგრძნობას.

მომღერალი კი, რომელიც მოახერხებს არა თუ თანაგრძნობა გამოიწვიოს, არამედ მსმენელს არგძნობინოს, გამოაცდევინოს სხვა და სხვა მდგომარეობა სულისა—გენოსია.

ხმა არ აქვს დამდგარიო, პატარა ხმა აქვსო გაისმოდა სპეციალისტთა ჯგუფებში. ერთი სასაცილო მსჯელობაც კი გავიგონე, ამტკიცებდნენ სარაჯიშვილის ხმის უმნიშვნელობას, ხმის სიპატარავით. შესდარებლად მოყავდათ ვიღაც მომღერალი, რომელსაც რკინის გზის სადგურზე მატარებლის საყვირისთვის გადაეკარბნა.

ის კი არ უნდათ გაიგონ, რომ ასეთი მოქმედება არტისტის მხოლოდ თავისებური ოხუნჯობაა, ხუმრობაა, და არაფერი საერთო არ აქვს ხელოვნებასთან. ასე მათემატიკოსები ხანდახან ამტკიცებენ ორი არაფერს უდრისო (2—0) და ამაში არაფერს არ პოულობს მათემატიკოს..

ხმის სიმაღლეზე რომ იყოს საქმე, ჩვენი ზღაპრული ყარამანი („ყარამანიანი“) უდიდესს მომღერალით უნდა ჩავთვალოთ, რადგან, როგორც რომანი გადმოგვცემს, ერთი მისი ყვირილით ხალხი იხოცებოდა.

ჩვენ კი, უბრალო მომავლადენი ვტკებობდით. სარაჯიშვილის მოსმენის შემდეგ შევიგნე მხოლოდ პოეტის სიტყვები „ხმები დნება, ვით ამბორი.“ რაღაცა ესალმუნებოდა სმენას, ვიღაც მიჯნურის უცნობ კაეშანს გიშლიდათ ისეთის ძალით, რომ მზათ იყავით დახმარებოდით საყვარლის მოსატაკებლად („მარგალიტის მძიებელნი,“) ცხოვრების მთელ მიზნიდევლობას გაგრძობინებდათ („ტრავიატა“) და უღარდელ ყმაწვილობას მოგაგონებდათ („რიგოლეტო“).

ბ. სარაჯიშვილი ხმის გენიოსია, და როგორც გენიოსი საწყენი იქნება, რომ მხოლოდ ჩვეულებრივი სვე-ბედით დაკმაყოფილდეს.

აკაკიმ და ილიამ შექმნეს ქართული მწერლობა მე-XIX საუკუნის, შედარებით მათთან ბევრად უფრო მდარე ნიქის პატრონმა გ. ერისთავმა შექმნა ქართული დრამა. ბ. სარაჯიშვილს არა ნაკლები ბედი არგუნა დროთა ბრუნვამ. მას შეუძლია შექმნა ქართულის ოპერისა. ოპერას, მუსიკას ქმნის არა მარტო მწერალი, კომპოზიტორი არამედ უფრო მეტად მომღერალი, რადგან მომღერალს შეუძლია შეაყვაროს საზოგადოებას ბევრათა სამფლობელო. უცხოეთში შეიძლება ბ. სარაჯიშვილს ყველაფერი მოელოდეს, რაც თვალს უხიბლავს ადამიანს, მაგრამ ჩვენში ის არის, რაც გულსა ღრმად ხვდება. ჩვენს ნახს ბუნებას, ლურჯს ცას, აბიბინებულ მთავეთა სარაჯიშვილის ხავერდისებური ხმა შეუქმნია, და მისი მომღერალი უნდა დარჩეს ხმით მხატვარი. ასეთი რჩევა არ არის მიღებული, მაგრამ გულის სიღრმიდან აღმოხდენილი კანდიერებად არ ჩაითვლება.

ნ. ლორთქიფანიძე

სპასის

სალამსა გიძღვნით გულ-წრფელად
ჩვენო ძვირფასო მამაო,
გაგებდე კალმის აღება
გამოუცდელმა ქალმაო.

ორმოც და ათ წელს იშრომეთ,
გადაიხადეთ ვალიო,
გაგვაგებთ რა არის
ქართველი დედის ვალიო.

ვეამბორები თქვენს ხელებს
მამაშვილური ტრფობითა.
და შევსთხოვ ქვეყნის მეუფეს
გულ-წრფელად წმინდის გრძნობითა:

ღმერთო, აკაკი გვიცოცხლე,
მიეცი ძალი ღონეო,
მისი ფანდურის ტკბილი ხმა
კვლავ დიდხანს გაგვაგონეო.

სალამსა გიძღვნი თავდაბლად
ჩვენო ძვირფასო მამაო.
„ქართველ ქალობას“ შეგპირდა
ჯერ კიდევ ნორჩმა ქალმაო.

სოფიო გოგონა



ჩემი უნიონები

ვ

ქართველები ყველა კავკასიელებზე განუვითარებელნი თურმე.

„ქართველები საზოგადოდ ნაკლებ განვითარებულნი, ვიდრე დანაშთენი სხვა კავკასიელები“.

ასრე სწერს გამოჩენილი ელიზე რეკლიუ თავის „ქვეყანა და ერის“ მე-VI ტომში.

ვინ არ გვიგდებს აბუხად დღეს ჩვენ, ვინ არ გვწეწავს, გვამწარებს?

ერნი, ბერნი, მეცნიერნი და უმეცარნი თითქო მწყობრად გაფიცულან—უარჰყონ ის წმიდათა წმიდა, რომელზედაც დამყარებულიყო საქართველო, უარჰყონ თვით საქართველოც, რომელიც თურმე აქ (ამეერთ-იმერთში) კი არ ყოფილა და არც არის, არამედ შორს აქედგან, სპერის ზღვის სამხრეთით. (ამ კითხვას კვლავაც დაფუბრუნდებით).

იყო დრო, როდესაც ქართველის სახელიც ჰქუხდა აზიაში, როდესაც ეგვიპტის და მცირე-აზიის სულთნები ქართველ ერსა და მისს მეფეებს ქრისტეს მოსაგრედ სთვლიდნენ, იერუსალიმის და აღმოსავლეთის წვრილ ერების მოსარჩლედ და მცველ-შფარველად სახადენენ, ასურთა მეფეების საქმის გამგრძობად და სულთანთა გულით სანდომ მეგობრად აღიარებდნენ და მაჰმადიანობა კი ყველაზე უღობველ მტარვალს თემურლენგს უმაღლეს ჯილდოთი—ყაზავათით ჰმოსავდა მხოლოდ მისთვის, რამ შესაძლო ქართველ მეფის დამორჩილება...

იმ დროსაც კი, როდესაც საქართველო ის აღარ იყო, რაც წინად, მაინც პატარა კახის სახელს მოწიწებით იხსენიებდნენ ოსმალების სულთანი და აგრეთვე მეფე პრუსიისა ფრიდრიხი, თვით საქართველო კი ამავე დროს მოვზაურ დეპოპარტს იმისთანა სახელმწიფოთ მიაჩნდა, საცა:

„ერი უუტკბილესად ცხოვრობს და ისიც მცირე საზღოთი, საცა უხვია პური, ბოსტნეული, ხილი, მეტად გემრიელია ღვინო, პური, ღორის და ნადირის ხორცი, საცა ქალი და ვაჟი უულამაზესია, მეტადრე ქალი; კახური ხომ ფრანგულ „პონტაკს“ არ ჩამოუვარდება...“

ამავე დროს, წარმოდგინეთ, გურიაში არ იცოდნენ, რა იყო ქურდობა, შინაური პირუტყვი მინდორ-ველზე უმწყემსოდ სძვდა, ხლო კახეთში შეგზვდებოდათ ადგილები, საცა მდაბიოსაც კი, ხშირად, 500—600—900 სული ღორი ჰყვანდა (ვახუშტი).

კიჟინისა მერიდება, თორემ ვიტყვოდი, რომ ქართველობაში ქურდობა და ავკაცობა იშვიათი იყო ამ 25—30 წლამდისაც. ალაზანს რომ გამოსცილდებოდი, სამშვიდობოში გრძნობდი თავს, თუ გინდ დაიძინებდა ეტლზე და მოდიოდი ქალაქისკენ უდარდელად: ერთი ქიზიყელი და სხვა კახელი ხელს არ გახლებდა. შიში იყო მხოლოდ მუდანლოს თათრის მხრივ.

მინა პეტრიაშვილის პანსიონში რომ გახლდით ქუთაისს (1875 წელს), იქ არ იცოდნენ, რა იყო ალაყაფის კარები, დარბაზები, დღე და დამ კარ-ფანჯარები ღია რჩებოდა ზაფხულობით და ქურდის შიში არავის ჰქონდა ამ ტურფა ქალაქში.

ეს შეუნიშნავს თვით ელიზსაც, რომელიც ამბობს: „ქურდობა—ეს ბიწირება თითქმის უცნობია ქართველთა შორის და სამხებშიაც, რომელნიც სცხოვრობენ საქართველოში. ტფილისის სასამართლოს დაწესებულებებში შედარებით ფრიად იშვიათად შედის საჩივარი ქურდობაზე და ამისთანა შემთხვევებში ადგილობრივი მკვიდრი ყველაზე იშვიათად ჩნდება დამნაშავედ“ (გვ. 154).

კარგია ეს კითხვა გამოარკვიონ ჩვენმა მოსაპართლებმა, რომელთა საყურადღებოდ შემოძლიან დავურთო კიდევ სიტყვა ერთის სამხის სანდო ისტორიკოსისა, რომელიც ამბობს, რომ თამარ მეფის მშობელმა გიორგიმ საქართველოში ამოაგდო ქურდობა-ავაზაკობა.

რა დაგვემართა დღეს, რათ ვიტხვავთ რაინდ ერის სახელს სხვა და სხვა უმანკო სულთა ხოცვა-ჟლეტით, ქურდობა-ავაკაცობით?

რა დაგვემართა? მაგრამ გავცვეთ ელიზს და მის თხზულებიდან ამოვკრიბოთ წინა-უხმო აზრები ჩვენ შესახებ, აზრები, რომელნიც ამოუღია მას სხვა და სხვა, ხშირად, საეჭო ღირსების, წიგნებიდან.

„მტკვარი—რიონგური და ქაროზი ქართველების სამკვიდროა; მტკვარი—ტრაპიზონი, იალბუზი—არეზი,—ეს საურანგეთის ტოლა სიგრეც ქართველების მიწა.“

„ქართველებს ჰქონდათ თავისი ძლიერების ხანა. აღმაშენებლისა და თამარის დროს ქართველები უფლებდნენ კავკასიას ყველა ხალხებზე. თამარის სახელი შავი ზტილდგან კასპიისამდე სახსოვარი გახდა და არის.“

„ქართული ენა ისმის ტრაპიზონიდან ტფილისამდე. ენის ერთობას ხელსუწყობდა მწერლობა, რომელიც არსებობს არა უგვიანეს მე-X საუკუნისა.“

„1807 წლიდან ქართული არქივები და ფსიანი სამწერლო ნაშთები ტფილისიდან პეტერბურგს გადიტანეს. ქართული ენის მაგიერ შემოვიდა დამმონებლების ენა. ცენტრალიზაციის გულისთვის მიღებულმა უმწვერვალეს ზომებმა შეაჩერეს განვითარება ქართულ ენისა. ეს ენა დამოუკიდებელ განმარტოებით მდგომარე ენად ითვლება.“

„ქართველები მიუხედავად თავის წყნარ ხასიათისა მედგრად გბრძოდნენ ოსმალებს და სპარსელებს თავიანთ დამოუკიდებლობისთვის.“

„ბიზანტიური ხუროთმოძღვრება X—XII საუკუნეებში განსაკუთრებული ხასიათისა შეიქმნა საქართველოში“

„სახლები ქართველობისა 2000 წლის განმავლობაში ერთნაირის ყადისაა—მიწურება, ორმოები.“

„ქართველები საზოგადოდ განთქმულნია სილამაზით. ტურფა თმიანები არიან, დიდრონ თვალებიანი, თეთრ კბილებიანი, ნაზ და წმინდა კანიანები, ტანწერწენი, პატარა და ძლიერ მკლავიანები. მაგრამ მათი თვალხედვა და ღიმი აზროვნებით მოფენილი არ არის.“

„ქართველების უმეტესობას პირის კანი დაწითლებული აქვს—ღვინის ჰარბათ ხმარების გამო.“

„მათი ღვინო—კახური კარგია, შეუძლია ტოლობა გაუწიოს დასავლეთის ღვინოებსა. რუმებს და ტიკებს აკეთებენ ხარის და კამეჩის ტყავისაგან. ამ ტყავებს ხან და ხან ცრცხალ პირუტყვებს აძრებენ და ამ ბარბაროსულ გამოწყვლის შემდეგ ტყავებს ნავთს უსმენ, რის გამო ღვინოს უსიამოვნო სუნი ეძლევა.“

„საფლავები ღარიბები არიან. თითო ორნა ცხენი, და-
ვარდნილი ძროხა და ცხვარი, რომლის მატყლი ნაბდისაგან
არ გაირჩევა, ქართველის ავლა-ღიდებაა.

„1864 და 1866 წლებში ბატონ-ყმობა მოისპო, მაგრამ
ბატონები გლენებს დღესაც ისე ეპყრობიან, როგორც პი-
რუტყვებს.

„ქართველების უმეტესობა წვირიანია და დაუდეგარი, მა-
გიერ იგინი მხიარულნი, ერთურთს მიმყოლი, გულწრფელი.

„ქართველები საზოგადოდ ითვლებიან უფრო ნაკლებ
განვითარებულად, ვიდრე სხვა კავკასიელნი. სკოლებში უცხო
ენებისა და მეცნიერების შესწავლა-შეთვისებაში იგინი ჩამოუ-
ვარდებიან სომხებსა და თათრებს.

„ქურდობა—ეს ბიწიერება თითქმის უცნობია ქართველ-
თა შორის და სომეხთა, რომელნიც საქართველოში სცხოვ-
რობენ.

„ქართულ ბარბაროსულ სასჯელებს რუსებმა მიუმატეს
კიდევ კაცის დამამცირებელი სასჯელი—როზგი ანუ „რუსუ-
ლათ გაროზგვა.“

„ქართველების უმთავრესი თვისება არის სიყვარული გა-
ლობისა და ცეკვისადმი. მაგრამ დიდი სამუსიკო ნიჭი არ
აქვთ და არა მგონია, მათი ენა ხმა-ნარნარებისთვის შექმნი-
ლიყოს. მიუხედავად ამისა, ყველა ხელობისა და საქმისთვის
ცალკე სიმღერა—გალობა აქვთ.

„ხევსურები და ფშავნი ჰგვანან წითელ კანიან და სხვა
ველურ ბარბაროსებს აფრიკისას და ახალ-ქვეყნისას“...

აღარ განვავრძობთ. წინასიტყვაობაში ელიზე ამბობს,
ჩემის წიგნის კავკასიის განყოფილება გადაშინჯეს ი. მეუ-
ნარგია და ზეიდლიცმაო. თუ ეს მართალი ყოფილიყო,
უმჯობესია, მეუნარგია და ზეიდლიცი ტყუილს ქართველების
შესახებ ამოფხვრიდნენ მსოფლიო გეოგრაფიის წიგნიდან.

რა დასაჯერებელია, მეუნარგიამ არ იცოდეს, რომ:
ქართველები ცოცხალ პირუტყვს ტყავს არ აძრობენ რუმ-
ბისთვის, ქართველები დანაშთენ კავკასიელებს არ დაუვარდ-
ებიან განვითარებით, ქართველების მწერლობა მე-X საუკუნეში
არ დაწყებულა, ქართველების ენა რუსულ ენად არ შეცვლილა,
ხევსურ-ფშავლები სულაც არა ჰგვანან პოტენტოტებს და სხ.

20 ოკტ.

მ. ჯვანაშვილი.

P. S. ამავე ავტორის მიერ 7 დეკემბერს გადმოცემუ-
ლი წერილი ივ. ჯავახიშვილის საპასუხოდ მალე დაიბეჭდება.
რედ.

ა ლ მ ა ნ ა ხ ი

მგოსანო ჩაგრულ ერისა!
შენ გაგვინათლე ბნელია.
შენ გვიძღვებოდი ბელადათ
გზა გაგვიკაფე ძნელია.

თუმცა სიბერემ გიწია—
თმაი შეგექმნა ჭალარა,
გმირებს კვლავ ეძებს, მტერთ აფრთხობს,
შენი დაფი და ნალარა.

აბაშისპირელი

უადგილო სულგრძელობა

საკვირველი ამბავი ხდება! მას აქვთ, რაც გან-
სვენებულ ილიას მკვლელებს სასამართლომ ღირ-
სეული სასჯელი გადაუწყვიტა, ჩვენ გაზეთებში ხმა
აიმაღლეს ზოგიერთა პატივცემულ პირთ და თხო-
ულობენ მოხსენებულ გადაწყვეტილების გაუქმე-
ბასა. წინათაც, და მომეტებულად ამ უკანასკნელ
სამი-ოთხი წლის განმავლობაში, ვინ მოსთვლის
რამდენი უსამართლო განაჩენი დაუდგენიათ და
შემდეგ აღსრულებაშია მოუყვანიათ. ამათ წინააღ-
მდეგ არავის კრინტიც არ დაუძრამს და დღეს კი
კაცთმოყვარეობისა და სულგრძელობის სახელით
ხმა მალა იწყეს ქადაგება მიტევებისა. დამისახე-
ლეთ რომელ ერში, რომელ ქვეყანაში მომხდარა
ესეთი ამბავი? ილიას სულმდაბალ მკვლელებს გა-
დაუწყვიტეს შესაფერი სასჯელი და ეს გადაწყვე-
ტილება მალე უნდა იქმნეს აღსრულებაში მო-
ყვანილი. რათა?—იმათა, ჩემო ბატონო, რომ
ილიას მკვლელები უბრალო ავაზაკები როდი არ-
იან!.. ამათ მხოლოდ ერთი ადამიანის მკვლელო-
ბა კი არ ჩაიდინეს, არამედ—უპირველეს ყოვლისა,
ერის, ქვეყნის საზიზღარი მოღალატენიც არიან.
ხოლო მოღალატე ქვეყნისა უნდა უსათუოდ მოის-
პოს, უნდა გაჰქრეს დედა-მიწის ზურგიდან. ილიას
წარსული და აწმყო, მისი დიდი ჭკუა-გონება, ილიას
მალალი ნიჭი და მისი ბწყინვალე, ნათელ-მოსილი
მოღვაწეობა სამშობლო ქვეყნის უძვირფასეს ნა-
წილს შეადგენდა! იგი მთელი ერის სულისა და გუ-
ლის უწმინდესი საუნჯე იყო... და ეს ნაწილი ქვეყ-
ნისა, ეს წმიდათა-წმიდა ერისა უცებ მოსპეს, მოს-
ტაცეს ქვეყანას და შავსა და ბნელ საფლავში სა-
მარის ქიებს მიუგდეს!.. ხომ ყველამ კარგათ ვი-
ციოთ, რა ვაჟკაცობაც გამოიჩინეს მკვლელებმა იმ
სავალალო წამებში!.. ხუთი, თუ ექვსი ჯანითა
და ღონით სავსე ვაჟკაცი, თავით ფეხებამდე შე-
იარაღებულნი, ვერაგულად ჩაუსაფრდნენ უდა-
ბურ ადგილას, მშვიერი ნადირებივით ეცნენ უია-
რადო მოხუცს და არა ერთისა და ორის, არამედ
რამდენიმე მხეცური დაკვრით წუთი-სოფელს გა-
მოასაღმეს იგი... მგლები რომ დახვეოდნენ ილიას
და იმათ მოეკლათ იგი, განა ვინმე დაზოგავდა ამ
მგლებს ამოსაფლავებლად? ილიას მკვლელები მგლებ-
ზე უარესები არიან. რა ვუყოთ, რომ ამათ ორო-
ლი ფეხი აქვთ და იმათ კი ოთხ-ოთხი!.. სულით
ერთნი არიან და ამის გამო ორივე ჯგუფს ერთ
ნაირს გრძნობით უნდა უცქეროდეთ. ქრისტიან-
ობა მიტევების, სულგრძელობის და სიყვარულის

ც. გიორგიანი
რედ.



ს ა ს ო მ ბ ა

სარწმუნოებაა, მაგრამ აქაც მიტევება ყველა დანაშაულისთვის როდია აღიარებული. სულის წმიდის მგმობელს ცოდვა არას დროს არ მიტევება. სწორეთ ასეთივე ცოდვაა სამშობლო ქვეყნის დალატი. გარდა ამისა, არსაიდან არა სჩანს, რომ ილიას მკვლელები სინანულის გზას დასდგამდნენ რაიმე წრფელ-გრძნობით აცხადებდნენ ამ სინანულსა. მაშ როგორ და რითი დაამტკიცებთ, რომ დღეს სიკვდილს გადარჩენილნი, ხვალ ბიუროკრატიული წყალობით სრულიად განთავისუფლებულნი, ხელახლა იარაღს არა სტაცებენ ხელსა და უკვე ნაცადი სიმხეცით არ დაეძგერებიან ახლა აკაკის, გოგებაშვილს, ხახანაშვილს, ვაჟას და სხვათა?.. „ესენი ბრმა იარაღი იყვნენ სხვების ხელშიო!“ მერე, რა გნებავთ? ჩემის ფიქრით, ერთად-ერთი დასკვნა, რომელიც კი შეიძლება აქედან გამოვიყვანოთ, არის შემდეგი: უნდა ვინმართოთ ყოველი ღონისძიება, ჩავიდოთ როგორმე ხელში ის „სხვებიც“ და ამათზე უარესი დღე იმათ გაუთენოთ. მაგრამ მე სრულიად არა

მჯერა მაგათი „ბრმა იარაღობა“. ამ სამი-ოთხი წლის წინად ერთმა ამათი ჯურის წყეულმა დაურიდებლად წარმოსთქვა: ჩვენ გადაწყვეტიეთ ილიას მოკვლა, მაგრამ ეს გადაწყვეტილება აღსრულებაში ვერ მოგვიყვანია, რადგან ევროპა-რუსეთის საზოგადოებრივი აზრისა გვეშინიანო... ეს აზრი ილიას იცნობს მხოლოდ როგორც დიდ პოეტს და არა როგორც გლეხი-ჭამია ფეოდალსაო. როდესაც ამის წინააღმდეგ ლაპარაკი ვიწყე, მის მოქმელს თვალები სისხლით აევსო, სახე გაუფითრდა და მეტის სიბრაზისაგან კანკალი დააწყებინა. საზარელია, როდესაც განუფითარებელი გონება ერთ რომელსამე აზრს შეითვისებს! კრიტიკა ამის წინააღმდეგ კედელზე ცერცვის შეყრაა. რაკი ამ შეთვისებულ აზრზე უკეთესი ვერც კი წარმოუდგენია, ამიტომ იგი მართლა ყველაზე უაღრესი და ერთად-ერთი ჭეშმარიტება ჰგონია. როგორც შავი კლდის ჯლოდს, ასე ამისთანა ხებრეს ვერსაიდან ვერ მოუვლი. რა იცით, ბატონებო, რომ ეგენი სწორედ ერთი შავი კლდის



ახალი წელიწადი

ლოდები არ არიან? რა იცით, რომ „გლეხი-ჰამია არა! არა!.. დიდი ხანია თქმულა მაცხოვრისაგან: ფეოდალის“ მოკვლით ეგენი დღესაც არ ამაყობენ? „ნუ დაუყრით ლორებს მარგალიტსა! უწმინდურის

ფეხებით გაჰქეღვენ მას და შემდეგ, შეიძლება, თქვენსკენაც მოტრიალდნენ და დაგფლითონ თქვენც“. ვინც ფიქრობს, რომ ღორი, როგორც შინაური ცხოველი, სრულებითაც არ არის ასეთი მოსარიდებელი, ძლიერა სცდება... გაღრეული ღორი ცოფიან მგელზედაც უარესია! „მკვლელების სისხლით ნუ შევბლალავთ ილიას საფლავსაო!“ უშინაარსო ფრაზაა! ილიას საფლავი ისეთი სიწმინდეა, რომელსაც მაგათთანა ავაზაკების ბოროტი სისხლი დღის საფალზედაც ვერ მიეკარება! ბატონებო! თქვენ გნებავთ ილიას მკვლელებს სიცოცხლე შეუნარჩუნოთ? მერე რა ჯანაბისთვის გინდათ მაგათი საზარელი, წამებულის სისხლით შეთხუპნული სიცოცხლე? ეგენი მზესა და მთვარეს უცქეროდნენ და ილიას კი შავი მიწა გულზე ეყაროს და სამარის მატლები ჰხრავდნენ!! რაღა გვინდა ამაზე მეტი!.. ნეტავილა ჩვენს ბედნიერებას!.. ერთი ის-ღა დაგვრჩენია, რომ ავიყვანოთ ეგენი ილიას საფლავთან, მაგათ ტაში დავაკვრეინოთ და ჩვენ კი ლეკური დაუაროთ!.. სწორედ რომ საკვირველი და სავალალოა ჩვენი უბადრუკობა! თქვენი ჭირიმე, ამას რაღა მომაგონებდა, რომ ამ მეოცე საუკუნის დამდეგ ნეტარსენებული ლამანჩელი აზნაური კვალად გაცოცხლდებოდა, ეწვეოდა საქართველოს და აქ თბილისურ გაზეთების ფურცლებზე ძველებურად დაატრიალებდა თავის ძღვევა მოსილ ფარხმალს.

ქართლოსიანი.

მართობა

ვუძღვნი ახალთაობას.

ერთი ენა და გულისა ძგერა,
 ერთი შრომა და ბრძოლისა ველი—
 ნაქსოვი არის რამ ათასფერა,
 საიდუმლო და გასაკვირველი.
 ამ ნაქსოვითა შეერთებული
 თუ არის ხალხი—ის არის ერი,
 შექსოვილია გულთანა გული,
 გასაგებია სუყველაფერი.

მაგრამ ხან და ხან ამოვარდება
 ქარი—აოხრებს ნაქსოვსა ძვირსა,
 ერის სახელი, მისი დიდება
 დამარცხებული ემხოზა ძირსა;
 ლაშქარი მტრისა წამოაწვება
 და ჰწყვეტს წმინდა ძაფს ცხენების ნალი,
 ნაქსოვი იგი აქა-იქ სქდება
 და წაიშლუნა ერთობის კვალი.

მაგრამ დრო გადის—დანგრეულ ქუჩებს
 აღვიძებს შრომა... და ნაშთთა შორის
 ძმა ძმასა ეძებს, ვით ტუჩი ტუჩებს
 გაყრით დამწვარის მეგობრის ორის;
 გულსა ხმა ესმის სევდის ჩუმისა,
 ხმალს ეძებს ხელი ათრთოლებული...
 და ძაფით უცხო აბრეშუმისა
 ჰქსოვს განახლებას ეროვნულ სული.

გიორგი გვაზავა

ჩემი ლექსი

რა პატარაა ეს ჩემი ლექსი!
 თვლით გამზომველს გაეცინება
 და თავის ქნევით გვერდზე გადასდებს,
 მისთვის წაკითხვად არ ეღირება.
 მაგრამ უვიცსა და უგრძობელსა
 სხვა რა მოვთხოვო? არ გაეგება,
 რომ დიდა სევდა, დიდი სიმწარე
 პატარა ცრემლით გამოითქმება.

ი. მჭედლიშვილი

აქეთური იქითური

ამ ნომერში სხვათა შორის იბეჭდება ბ-ნი ქართლო-სიანის წერილი „უადგილო სულგრძელობა“. წერილში ბევრი ფრიად საყურადღებო აზრია გატარებული. მაგრამ მიუხედავად ამისა ჩვენ მაინც წინააღმდეგნი ვართ საზოგადოდ ვისიბე სიკვდილით დასჯისა და კერძოდ-კი ილიას მკვლელებისა.

სიკვდილით დასჯა სულაც არ არის მართლმსაჯულებ-ბის უებარი სახსარი.

სიკვდილით დასჯა არაკაცური, არა ადამიანური აქტია და იგი უფრო ძველი ბარბაროსობის მწარე ნაშთია.

სიკვდილით დასჯამ მოსკამა თავისი სამარცხვინო დრო და იგი ამ უამად ისეთივე უაზრო, ულოღიკო და უნაყოფოა, როგორც მონობა, ინკვიზიცია და წამება არა მარტო იმიტომ, რომ სიკვდილით დასჯა ქრისტიანულის-ადამიანურის გრძობათა შამლანველი და შეურაცხყოფელია, იგი პრაქტიკულად შეუსაბამო და თეორეტიულად უნაყოფოა, არამედ იმიტომაც რომ სიკვდრლით დასჯა ყოველად უზნეო და გამყრყენელ-გამათახსირებელი აქტია თვით საზოგადოებისთვის.

ესეც არ იყოს, სიკვდილით დასჯა მაშინ როდესაც სი-ცოცხლეს უკვე არავითარი ფასი არა აქვს, როდესაც სი-ცოცხლე როგორც პირადი ისე სხვისი არარად შეიქმნა, ნე-ტა რა აზრი უნდა ჰქონდეს სიკვდილით დასჯას, რას ან ვის მიუტანს სარგებლობას ან ადამიანურს დაკმაყოფილებას?!

კერძოდ კი ილიას მკვლელებისა სიკვდილით დასჯა შეურაცყოფელი იქნება თვის დიდებული ილიას სახელისა-თვის, მისი სხივსანი ღვაწლისათვის.

ჩვენ ერთს წუთსაც ეჭვი არ გვებადება, რომ ილია თავის მკვლელებს მაცხოვარსავით აპატიებდა და მისი ღვათებ-

რივი გული და გონი მკვლევლების სიკვდილს არ მოითხოვ-
და...

ჩვენ გვემის ბ-ნი ქართლისიანის მართებული გულის
წყრამა და ღრმად აღშფოთებული სინდისის ძვერა, მაგრამ
მარტივი საინოება და უბრალო გონიერება მკაფიოდ ითხო-
ვენ, რომ ილიას მეხანიკური მკვლევლები სიკვდილით არ დაისა-
ჯონ მით უფრო როდესაც მისი იდეური მკვლევლები თავი-
ვისუფლად დათარეშობენ...

ადგილად შესაძლებელია და დიხაც მოსალოდნელია
რომ ილიას მეხანიკურ მკვლევლების სიკვდილით დასჯამ უგ-
ნურთა გრძნობა და ხროვაში უკუღმართი სურვილი დაბა-
დოს: არამზადები ვაჟაკობის და გმირობის შარავანდელით
შემოსონ და არსად თქმული და არსად გაგონილი საზიზ-
ღრობა რევოლიუციონურის თავგანწირულობით მოინათ-
ლოს.

ილიას მკვლევლობა უცაბედი და შემთხვევითი არ იყო,
იგი ნელ-ნელა მზადდებოდა ჩვენში უკუღმართი მოძღვრების
ზედგავლენით და ეს დუხტორი ნიადაგი დღესაც არსებობს.
თუმც ძრიელ შერყეული კია აპიტომ ვინ გვითავდებებს,
რომ ამ დუხტორ ნიადაგის ბინადრებში ტაშს არ დაუკვრენ,
როცა საღრჩობელაზე დიანახვენ თავიანთ ჭაობის ქვე-
მძრომთ.

გვეყავა სისხლი!

ილიას წმინდა სისხლი დეე უკანასკნელი იყოს ჩვენში
ძალმომრეობის წყალობით დანთხუელი!..

* *

ილიას მოწამებრივმა სიკვდილმა და მახედ გლოვამ,
აკაკის ნიჭმა და მადლიანმა იუბილემ საოცარი საარაკო
თვით შეგნების და შემეცნებას რევოლიუცია მზახინა ჩვენ-
ში. ამ ოთხი ხუთი წლის წინედ ყოველი ჩვენთავანი სიზმარ-
შიაც ვერ წარმოიდგენდა იმ მთლიანობას, იმ დანაწილებულ
და დაქუცმაცებულ ჯგუფთა შეკოწიწებას და შედუღებას,
რომლის მოწამე და მნახელი მთელი საქართველო იყო 1907
წ. 30 აგვისტოდან 1908 წლის 7 დეკემბრამდე. ამ ხუთმე-
ტიოდ თვეში ისე გაითქეფა ყველა წრესა და წოდებაში ყვე-
ლა კლასსა და ჯგუფში ერთგნული, სრულიად ქართველური
აზრი, რომ ყველა სასოწარკვეთილთ, იმედ გაცუდებულთ და
ცოცხალმკვდრებთაც კი გაუცხოველდა მძლავრი სურვილი
არსებობისა...

აკაკის იუბილემ რაღაც ზღაპრული აპოთეოზი იყო
ქართველთა განუყრელობისა და მთლიანობისა. ტფილისი,
ქუთაისი, ბაქო, ბათუმი და სხვანი ერთმანერთს ეცილებიან
ერთგულ-კულტურულ სახის გამომეტყველებაში... ჩვენი მე-
ზობელი ხალხი-სამზობა და თათრობა ქართველების დღესას-
წაულს კავკასიის დღესასწაულს ეძახის და ამ გარემოებას განსა-
კუთრებულ ხაზს უსვამს თათრობა... ყოველ გვარ მიმართუ-
ლების პრესა მთელი ორი კვირა მხოლოდ აკაკის იუბილეთ
არიან გატაცებულნი... სდუმან მხოლოდ ცნობილ ძათა ხა-
ჩატურიანცების „შარმანკა“ ტიფ. ლიც. და მისი „იუღუშ-
კა“—ლევ. ყიფიანი... პირი სავსე აქეთ... და როცა ხმას იღე-
ბენ მხოლოდ ჩვეულებრივი ოინბაზობის ჩასადენად—მოვეტის
გასალანძლად, ჩვენი ერთგნული გრძნობათა შესაბღალად...
დიდებულ აკაკის „გასტროლერს“ უწოდებენ. . სხვა და სხვა
კუთხის ქართველებს „თამაშის“ მოტრფილად ბრბოს!.. თავ-
ლაფდასხმულთა და გატლევკილთა.

ბოლო არ უჩანს ცრუ ორპირობას,
მაგრამ ვგეტ კი, როდეს ჰქონია
დასასრული რამ ხამთა ხამობას!..

არც ჩვენებური „პარტიზანები“ ჩამორჩენ უკან უცნა-
ურობასა და უზრდელ ქარაფშუტობაში „იუღუშკებს...“
პროლეტარტასახელით დავა და კამათი დაუწყეს იუბილიარს...
განსაკუთრებით თავი იჩინა „ბაქოველ პროლეტარმა“

დიდებული რამა ხარ აკაკი, მაგრამ შენს დიდებას ჩრდი-
ლავს „ნიშადურში“ თანამშრომლობა... უტურობა და
უზრდულობა უგუნურობის ნიადაგზე აღმოცენებული ამაზე
შორს ვეღარ წავა. პროლეტარის ბოღვაში ერთი რამ არის
სანუგეშო. სჩანს „ნიშადური“ ძალზე მოსცხებათ და ბნელი
სულის საძირკვლამდე ჩასწვდენიათ მისი სიმწვავე, თუ დღე-
საც ვერ დაუშუშებით დადაღვილი და ამომწვარი ადგილე-
ბი...

* *

მეტად ცუდი დღე დაყენა „სამხედრო პოლოჟენიმ“
„ნიშადურს“ და მის მიმდევარ გაზეთებს: „ნიშადური“ ძლივს
ძლივობით გამოვიდა 61 ნომერი, „საქართველო“ 11 ნომერი,
ხოლო ახლად განზრახული და ნება დართული ყურნალი
„სამშობლო“ ჯერ გამოუსვლელადვე აღკრძალეს,—ესეიგი,
შობიარობამდე ჩაჰკლეს და ჩაღრჩეს... რა გაეწყობა—ძალა
აღმართსა ხნავს... ჩვენც იმიუ უნდა ვინუგეშოთ თავი, რომ
სამხედრო წესების ჩამოხსნის შემდეგ „ნიშადურიც“ გვექნება
„საქართველოც“ და „სამშობლოც“, მანამ კი „ერთობაში“
მოვიკლათ ჟინი და ცოტათი მინც სული მოვითქვათ.

* *

ვერაფერი ერთობა სცოდნით ჩვენს რეცენზენტებს. ამ
ორი კვირის წინეთ ქართულს... უკაცრად ლიღია იავორს-
კის თეატრში წარმოდგენილ იყო ახალგაზდა მწერლის ნ. ში-
უკაშვილის პიესა „მეგობრობა“. თვითონ პიესა და განსაკუთ-
რებით მისი შესრულება—წარმოდგენა ძრიელ მოწონა სა-
ზოგადოებას, რომელიც, სამწუხაროდ, ცოტა დაესწრა.

როგორც მოსალოდნელი იყო, ჩვენი ცხვრების შეთ-
ვალყურნი-ადგილობრივი ურუნალ გაზეთების კრიტიკო-
სნი რეცენზენტნი in corpore დაესწრენ ამ საინტერე-
სო წარმოდგენას და ოთხმა ორგანომ თავისივე წარმომადგენ-
ლების პირით ოთხი სულ სხვა და სხვა დიამეტრულად ერთ-
მანერტის წინააღმდეგი აზრი გამოახზობრიკეს... სასაცილოა
ყოველივე ესა, სამწუხაროც რომ არ იყოს.

„დროება“ პიესას უბრალო მელოდრამას უწოდებს...
„ალი“ პიესას სიყვარულის აპოლოგიათა სთვლის, „ტიფ.
ლიცტ“. ნაფიცი რეცენზენტი ლევ. ყიფიანი პიესას არაფრად
აღიარებს, ხოლო „ზიკავ. ონოვ.“ მაღლა აყენებს და შესა-
ფერ ადგილს უთმობს ქართულს რეპერტუარში...

დიხაც გასაგებია როცა სხვა და სხვა პირები, სხვა და
სხვა თვალთახედვის ისარით დაბეჭებულნი ერთიან შეთანხმე-
ბულ აზრს ვერ გამოსთქვამენ ამა თუ იმ მოვლენის შესახებ
და ამ შემთხვევაში დიდი ჰეშმარტებაა ილია ჭავჭავაძის
ნათქვამი—„ერთი და იგივე საგანი ზოგისათვის სატირალია
და ზოგისათვის სასაცილოა“, მაგრამ შეუძლებელია ისეთი
ბაბილონისებური სხვა და სხვაობა სჯისა და დაფასებისა,
როგორც გამოიჩინეს ჩვენებურმა რეცენზენტებმა ნ. შიუკა-
შვილის პიესის შესახებ.

ჩვენის აზრით „მეგობრობა“ როგორც ხელოვნური ნა-
წარმოები დიხაც ფრიად საყურადღებოა თავის ნიჭიერების

ნიშნად წყლით, სინამდვილით და რეალიზმით. ახალგაზდა ავტორში აშკარად და ნათლად სჩანს ნიჟიც, დაკვირვებაც, ცხოვრების ცოდნაც და გემოვნების გრძობაც. ავტორს თვალყურით მახვილი აქვს და გონებაც ფხიზელი. ჩვენ ღრმად დარწმუნებულნი ვართ, ნ. შიუკაშვილის პირველს პიესას სხვა ბევრიც მოყვება იმიტომ რომ ახალგაზდა ავტორს ორი საუკეთესო თვისება მოეპოვება მწერლისა ნახულ-გავონილის აწონდაწონვა — შემეშავება და ამ შემეშავებულის ხელოვნურად გადმოცემის უნარი.

მერე როგორ შეეგებნენ ჩვენი რეცენზენტები ახალგაზდა მწერალს? ყოვლად უზრდელად ტლანქად და უგულოდ... მხოლოდ „ზაკ. ინ.“ რეცენზენტი სიყვარულით, გულწრფელობით და სიხარულით აღნიშნავს „მეგობრობას“ ქართულ სცენაზე და ცოტათი „ალსაც“ ეტკბილა ახალგაზრდა მწერლის დებიუტი, თორემ „დროება“ და „Тиф. лис.“ ზევიდან ქვევით დასცქერიან; განსაკუთრებით „Т. лис.“ „იუდეუშკა“ ჩვეულზე ხამობას არ ღალატობს და სასაცილოდ არ ყოფნის პირველის ცდისა პირველი ნაბიჯი...

ესლა შევადართ ერთმანეთს რეცენზენტების სიბრძნე მსახიობთა ხელოვნებას შესახებ. პირადად ჩვენ წინააღმდეგნი ვართ დახვასებული და დრო მოკმეული ჩვეულებ სა მსახიობთა დაფასებაზე — ნიშნების დასმა თამაშობისათვის: ზოგს ხუთს დაუსვამენ ხოლმე, ზოგს „ედინიკას“ რა საჭიროა ეგ ნიშნები და თუ საჭიროა მაშინ იგი უსათუოდ მიუდგომელი და ყველასათვის სავალდებულო უნდა იყოს, ვისიმე გამოკლებას და გამოთიშვას ადგილი არ უნდა ჰქონდეს, თუ კი რეცენზენტს გულწრფელობა და არა პირადი ღვარძლი ამეტყველებს ეს ერთი. მეორე სად არის გარანტია რომ რეცენზენტი არ სკდება ნიშნების დასმაში და როგორც ნიშნების დამსმელი მსახიობზე უფრო მაღლა სდგას ცოდნით, განვითარებით და მხატვრულის გემოვნებთ.

ამ შემთხვევაში ისევ „ზაკ. ინ.“ გამოიჩინა მიუდგომლობა დ. ობიექტივობა, ხოლო დანარჩენებმა ფონი ვერ იზოვნეს და ისეთს მორევში შესტოპეს, სადაც უწინარეს ყოვლისა სიფაქიზე და მიუდგომლობა იღრჩობა ხოლმე. ასე მაგალითად: „Тиф. лист.“-ში ლევ. ყიფიანს მსახიობთა შორის კ. მესხისა და მ. მდიენის მეტი ვერაფერ დაუნახავს... ეგ რაღაც „ბუტერ-ბროტულ“ რეცენზენტობას წააგავს. „დროებაში“ კი კ. მესხზე კრიტიკ ან არის დამრული, თითქოს იგი სულაც არ ყოფილიყოს სცენაზე. თუმცა კ. მესხის პიესაში ერთ-ერთს მთავარ როლს თამაშობდა და საუცხოვოდ ჩაატარა იგი თავიდან ბოლომდე. „ალის“ სიტყვით კ. მესხს როლი რომ სცოდნოდა თურმე საუცხოვო იქნებოდაო. რატომ სხვა რეცენზენტებმა ვერ შეამჩნიეს კ. მესხს როლის უკოდინარობა? ბრძემა ყრუ ხომ არ იყვნენ?!...

ჩვენ შეგვეძლო კიდევ აუარებელი მაგალითები მოგვეყვანა ჩვენებურ რეცენზენტთა დამსახიობებელი, მაგრამ ეს შორის წავიკვანს.

ერთს კი ვიტყვი, თუ თეატრი და მწერლობა შეთანხმებულის გულწრფელობით არ იმუშავებენ, თუ პირადობას და შენ ჩემობას და სხვა მრავალ ურიგობა-უსუფთაობას ჩვეულებრივ ადგილი ექნება ჩვენს პრესასა და სცენის შორის საქმე წინ ვერ წავა და ყოვლად ამაო იქნება თვალთ მაქცურთი დაღლისი კულტურულ მუშაობაზე.

სკვითი



სალამი ახალ წელს

გაუმარჯოს ახალს წელს!
 ისმის მებრძოლთ ყიჟინი,
 გაუმარჯოს იდეას,
 მტრებს კი... მწარე ქვითინი!

გაუმარჯოს განახლებულს
 ენერჯიას მაშერალთა
 და დამხობა, გაჰქრობა
 კაცთ-მკამელთა, მტარვალთა!

გამარჯვება მომავალს!
 წინ-მსვლელობა ჩაგრულებს,
 ბნელ-უფესკრული ყვაე-ყორნებს,
 ბალ-წალკოტი ბულბულებს!

გაუმარჯოს ახალს წელს!
 ისმის მებრძოლთ ყიჟინი:
 მტარვალი ძრწის და შფოთავს
 უმწარდება თან ღხინი...

თამრო ქალი

X აპაპის დღე ბრიუსელში

საერო დღესასწაულს ბრუსელელი ქართველობაც შეურთდა და ჩვენი სასიქადულო მგოსნის აკაკი წერეთლის იუბილე-ს დღეს 19-ს დეკემბ. (ახ. სტ.) პოეტის ორმოცდა ათი წლის თავის მოღვაწეობის პატივსაცემად ქართველ სტუდენტთა თაოსნობით ქართული საღამო გაიმართა. დადგმული იქმნა „უდანაშაულო დამნაშავე“ ერთ მოქმედებიანი პიესა ბ. პ. ყ—ნისა. სანამ წარმოდგენა დაიწყებოდა პარლამენტის წევრმა სოცილისტმა ბ—ნმა ლორანმა საზოგადოებას მოკლედ გააცნო ქართველ ერის ვინაობა და მიზანი ამ საღამოს გამართვისა, რომ საქართველოს ერთან ერთად ჯგუფი სტუმარ ქართველებისა აქ ბრიუსელში დღესასწაულობს დიდებულ პოეტის აკაკი წერეთლის ორმოცდა ათი წლის სამწერლო ასპარეზზე მოღვაწეობას, რომელიც ღირს შესანიშნავია და პატივის საცემი, როგორც ქართველ ერისათვის ისე უცხოელთათვის, რადგან მან თავის უკვდავ კალმით კაცობრიობის აღორძინება-აყვავებას დიდი განძი შესძინა ამ ხნის განმავლობაშიო. შემდეგ წარმოადგინეს პიესა, მაგრამ სიმართლე უნდა ითქვას, რომ ამ სიმპატიურ საქმეს ცოტა ადრე შესდგომოდნენ კარგი იქნებოდა, რადგან როლების უკოდინარო-

ბის გამო ასე ხელოვნურად ნაწარმოები პიესა მოიკოჭლებდა, მზადებას კი ერთი კვირით ადრე შეუდგნენ. ბ-ნ პ. ყ — ნს ამოღებული ჰქონდა ფაბულა საქართველოს რევოლიუციის ქარტხილ ცხოვრებიდან. მეთაური (გ. ჯ — რი) რევოლიუციონერია და გატაცებული იბრძვის დახვეწებულ თვითპყრობელობის დასანგრევად. არ ზოგავს იგი თავის უკანასკნელ ძალღონეს და ამხედრებული ტერორის საშუალებით, პარიზელ რევოლიუციონერ მარატი-სავით ანადგურებს და დედამიწის პირიდან ჰგვის ბაში-ბუზუყებს. ის ცეცხლითა და მახვილით უმსპინძლდება მოღალატებს და ამაგრებს, აფართოვებს ორგანიზაციებს. მისი მეუღლე ნინო (ნ. ერ — ისა) წინააღმდეგია ძალმომრეობის და ადამიანის მსხვერპლის და ბოლოს ისე ხდებ, რომ იგი ბოლოს ატყობინებს კომიტეტის ყველა გარდაწყვეტილებას პოლიციას და ყველა მოწყობილ საქმეს წინ ეღობებიან. მთავრობა ჰპირდება ჯილდოს თუ გასცა მომქმედნი პირნი, მაგრამ ის უარზეა. შემდეგ ნინოს გაგვიებით შეუყვარდება თავის ბიძაშვილი ვანო (ირ. ჯ-რი) და დაუწყებს ლაღატს ქმარს. ვანოსაც შეუყვარდება ნინო და რა გაიგებს, რომ მთავრობასთანაც კავშირი აქვს, მუდამ სცდილობს, გამოსწორებს, მაგრამ ამაოდ: იქვით შეპყრობილნი, რომ მოღალატეობას ვანო გვიწერსო, სიკვდილით დასჯას უწყვეტენ. გასამართლების დროს ვანო არ სცნობს თა ს დამნაშავედ და არც გასთქვამს თავის სატრფო ნინოს, მაგრამ მისი (გიორგის) მოსამსახურე თომა კი ეუბნევა: არაა დამნაშავე ვანო, არამედ ნინოა, ვანო ნინოს მიინც იფარავს. ბოლოს გიორგის ხელთ უვარდება ვანოსთან მიწერილი წერილი, სადაც ემუდარება, რომ არ დავაქვრინებ არავის, მაგრამ მიინც ვაცნობებ მათ გარდაწყვეტილებას პოლიციას, რადგან წინააღმდეგი ვარ სისხლისაო. გიორგი რევოლუციონერით მოჰკლავს ნინოს და შემდეგ ქვაზეც შეცდება, ბოლოს მოდიან განსაჩივრებლად ნინოსთან, მაგრამ იგი მოკლული დაჰხვედებათ. ვანოს გაანთავისუფლებენ, მაგრამ სატრფოი დასჯილი, თვითვე ისაჯავს თავს...

შემდეგ ირ. ჯაბადრის ლოტბარობით იმღერეს ქართული ს-მღერები: ბრძოლა, ძმებო, ვოდელია, ნანა და ავარა, ეს უკანასკნელი ირ. ჯ-რის მიერ გადაკეთებული იყო და საზოგადოებამ რამდენჯერმე გაამეორებინა. სიმღერების შემდეგ წარმოადგინეს ცოცხალი სურათები: სოფლიდან გახიზვნა, დედა და მისი პირმშო აკვანში, ქართველ ქალის თავის დაცვა ინკვიზიტორებისაგან და საქართველო. ალფეორიული სურათი, შემდეგ დაუკრა ორკესტრმა

და ბალი ქართული ლეკურით გაიხსნა. საზოგადოება მეტად კმაყოფილი დილის ექვს საათზე დაიშალა. დიდი მადლობის ღირსია ბ-ნნი: პ. ყ-ნი და გ. ა. ჯ-რი, რომელთაც დიდი შრომა გასწიეს საღამოს გამართვაზე. ქართველობა ქ. მონსიდან და ლიევიდანაც იყვნენ ჩამოსულნი. წარმოდგენის დროს ყველას შესაფერი როლები ჰქონდათ განაწილებული და საღამოზე ქართველობა ქულაჯებში იყვნენ გამოწყობილნი. ყველა აღტაცებაში მოიყვანა პატარა შოთა ჯ. რმა, რომელიც ქულაჯაში გამოწყობილი წითელ დროშით, და მარსელიოზის სიმღერით მოტიტინე ენით გამოვიდა და გაბედულად ააფრიალა დროშა დამსწრე საზოგადოებაც ტაშის ცემით მიეგება.

ნელიკო.

ბრიუსელი 20 დეკ. (ახ. სტ.)

[ქართული ხელნაწერი]
26

* * *

ოხ ნეტა ვიყო ტკბილი ოცნება,
რომ ავიარო ვარსკვლავთ ზესკნელი,
სადაცა ჰყვავის უმანკოება,
სადაცა ჰყვავის სიცოცხლე გრძელი.
მინდა განვშორდე წუთი სოფელსა!
აქა ყვავილობს მხოლოდ ნალველი
და თვით სიმართლეს ცხოველ მყოფელსა
ხანგრძლივით ჰფარავს წყვდიადი ბნელი.

ი. მჭედლიშვილი.



მსურს დაგივიწყო!

მსურს დაგივიწყო, რომ ვგ სახე, სახე მაცდური,
აღარ ვიხილო, ჩემო სატრფოვ, აღარასოდეს,
მსურს ამა სოფლად ჩემი გული, ობლად შთენილი,
შენსა სიტურფეს ზეციურსა, — ვეღარ შესტრფოდეს.

*

მსურს დაგივიწყო, რომ ცბიერი შენი სიტყვები,
შხამ-გესლით სავსე, ცრუ იმედით არ გავიგონო;
მსურს დაგივიწყო, რომ წარსული „ტკბილი“ დღეების
კვლავ მოგონებით არ მომწამლო... არ დამიმონო.

*

მსურს დაგივიწყო, — დავამსხვრიო სევდის ბორკილი,
რომელიც მტანჯავს და ცრემლებს მგერის ყველგან-ყოველთვის...

მაგრამ რა ვქნა, რომ უძლური ვარ, არა მაქვს ღონე
და ჩემი გული შენ გიკუთვნის, ... შენკენ მოილტვის!..

ი. გრიშაშვილი.



მოხუცის ღიღინი

(კალცოვიდან)

აჰა, შეგეკმაზავ ჩემსა მერანსა,
 შევარდენსავით გამოფრენილსა;
 მსწრაფელ გარდავიელი მინდორ ველებსა,
 გარდავცილდები უცხო ქვეყნებსა...
 იქ დავეწევი ახალგაზრდობას
 და ლამაზ ქალებს დაუწყებ ტრფობას!
 მაგრამ ვაგლახმე! სულ ამაოა:
 მზე დასავლეთით არა ამოვა...

ი. მჭედლიშვილი

აკაკის იუზილეუბე

ს. დ. ზემსური

„ბუხნი“ ვართ ნეხში შობილნი,
 ჭენჭეოს ნაზარდი, ფრიალა,
 იქ უნდა გავჩნდეთ უთუოდ,
 სადაც სდგას თაფლის თიალა.

**

რა გვენადგვება! მოვწუწუნით
 ფუტკრის ნაშრომის ტკბილსსა,
 ჩვენ საკუთრებად მოვინათლავთ
 ნაამაგასსა სხვისასა.

**

ჩეხვის შვილი ვართ, სომ სედავ
 და მამას მაინც გეძახით:
 უთვისტომონი ვწანწალებთ
 და სხვისას ჩვენსას გეძახით.

**

სხვისი ნათესის მომკაში
 ძაღიან გამოცდილი ვართ:
 ვინც თვის ნაშრომის ვაწარს გვეტევის,
 მისთვის ჟამი და სენი ვართ.

**

მამობილობა რომ გთხოვთ,
 შენ კაღთას ვეუარებოდით,
 ორივე ხელით გვიჭეუვდი,
 სათოფედ გვემალებოდი!...

**

სომ სედავ - „შვილთა გაჯობეთ!“
 ეს არის ქვეყნის წესია:
 იქ ვიცით ნამდგლის ტრიადი,
 სად სხვისი ზუი სოქსია.

**

გერმანიაში წანწალოთ
 მარქსის ფინქსები ავკრიფეთ;
 სამშობლოს ტანს ქვეშ მოვუვლით
 და ია ვარდი დავკრიფეთ!...

**

ვინც ჩვენს კატისიზმს არ ირწმუნს
 „გალილეუენი“ გვგონია,
 იმათი მოდგაწეობა
 აბა რა მოსაგონია?!

**

მისთვის მოვავლით შენს ქორწილს
 და შემოვძახეთ მყურელი,
 რომ დავავიწყოთ სუეველს
 სისხლ დანთხეული წასუელი.

ნაცნობი

საახალწლო გოზინაუები

ლევ. ყიფიანს.— კოკასა შიგან რაცა სდგას
 იგივე წარმოსდინდების,
 უშუბლო კაცი უფველთვის
 შირასხეული დარჩების...

ს. ყარიბს.— შელა, ყარიბი, ჭკუით დარიბი;
 მეჭორე დიდი, ესდგეა ფელიდი.

ძმ. ხეჩატურიანცებს.— სომის ბაზარს მოგვაგონებს
 მათი ორგანოს ფურცლები,
 ქართულების დასაწისლად
 ვირებს უზნეის ფულები...

ი. მეუნარგიას.— უტიფარი ჭორიკობა
 დიად მწარედ აშლის წელუქსა,
 სიცრუე და ორზირობა
 ავნებს სორცსა მერე სულსა.

ჩვენებურ ესდგებს.— დეჭეთ, ჰლაგვეთ, ივანგლახეთ,
 ვერ შეივსეთ კაპიტალი,
 თქვენი საქმე და ნადგაწი
 ბოლოს გასდა მდორე წეალი...

ტფ. ჟურნ. სოიუზს.— „შეიყრებიან ფორნები
 არ გაირევენ ძერასა“,
 ყურნაღისტების სხეული
 თქვენ ვერ გასწავლით წერასა!

ტფ. პატრ. საზოგ.— სხვის დასარბევად ნუ იღწვიოთ
 თორემ ინანებთ ბოლოსა,

იქებ ტარსი იცვადოს—
გრიგალმა დაიქროლსა!

ან. ფურცელადეს.— დიდებით გასიებულსა
ზიზიები აცვიათ,
ცოტათი რამ შეახდრო
სწრაფად უკელა გსრცვიცვათ.

Поор iorik, П. Павлович-ს და სხვებს:

სენატურას ფოდისათვის
„ლისტოკში“ მოაკლათეს,
საშვილიშვილად ეყოფათ
რაც მათ საქმე კაკეთეს!

„ემბაკს“. — უსნავ უთესად შეკლდა,
ღანძღვა თრევაში ქველია,
სსვის გულში სეღის ფათურით
ოსტატი—ქვემძრამეღია!..

მონადირე

საახალწლო ჩიჩალაპი

(ქუთათურებს)

ქალაქის ღუმას

დაგრჩენიათ მხოლოდ ერთი,
სალორის აგარაკი.
ყოველ ღამეს მის შექმანედ,
უპრავას აქეს ლაპარაკი.

სათ. სააზ. ბანკს

უსაქმურთა ხალხის კრება,
საქმეს როგორ მოავგარებს?
ყალბათ ფულებს გაიტანენ,
აცინებენ ამითი მტრებს.

შავი ქვის საბჭოს

არც ფულია, არცა ნდობა,
არსით რწმენა, არსით პირი.
ყველა მტრულად შემოგყურებს,
მოგიმატონ გასაქირი.

ქუთათურ „ჯვილებს“

კარტი, ნარდი, არშიყოზა,
დაგილოცათ მაღლით ზენამ.
თუ გინება არ გიძღვენით
ქება ვერ გამოსთქვა ენამ.

კლუბს

ქუთათურთა საშირყოფ,
შენც გილოცავ ახალს წელსა.
შემსვლელი და გამომსვლელი,
მითხარ რისთვის აფრქვევს ცრემლსა?

ქუთ. მოწაფეებს

სად შანტაჟი, სად მოწაფე?
უნდა იყვნენ შორი-შორსა,
მაგრამ თქვენში ვერვინ პოებს
კარგს მოწაფეს ათში ორსა...

სათ. სააზ. გიმნაზიას

დგებარ მაგრამ ცალის ფეხით,
წარა-მარა იზნიკები.
სულ მობძავი უეჭიმოთ
ვერც სცოცხლობ და არცა კვდები.
საძირკველიც ჩაგიყარეს,
უცხო ბინა, რომ აგიგონ,
მაგრამ ვეჭვობ-მეშინია,
ყაზარმებათ არ წავიღონ.

ბომბა


საახალწლო მილოცვა

დავითისა ხამფერასადმი

მოგილოცავ ახალ-წელს ათასნაირ ხილითა
დაგიკოცნი შავ-თვალეებს დარჩინით, ჰილითა.
მოგილოცავ ახალ-წელს თავის ზირთი-ფირთითა
და გიგზავნი ჩურჩხელეებს ყინვარს-შაქარს ქილითა;
მოგილოცავ გულ-ღვიძლით ნუყლებითა ტკბილითა,
დაესწარი ბლომა წელს ქმრითა, შვილის-შვილითა;
გახსოვს ერთხელ ახალ-წელს რომ მაქებდი ცხვირითა
და თელეთს რომ წავედით სალოცავად, ვირითა;
გახსოვს შენის ეშხითა რომ დავითვერ ღვინითა
და ჯორივით რომ გავძელ ლობიოთ და წნილითა;
გახსოვს კურკურ-მურკურით, რომ ვერ გავძელ ლხინითა,
გიყოზანა დავიწყე და ემე ვქენ კბილითა...
ესლა ხამფერ დავბერდი, თმას ვიღებავ ინიითა...
აღარ შემწევ ძალ-ღონე ვცხოვრობ ძველის ჟინითა;
შნორაკალიმ ქე მატალ რომ გამძღვე ფლავითა
გენაცვალოს ფილტვებში შენი „გიჟი“ დავითა.

გრი—გრი

778/2
1909



გერმანეთი.—თუ „მეტე“ მომეცხა, რამე მოკუშეულები ბოსნიაკერცოვინას დასაკუთრებაში.
ავსტროუნგრეთი.—რატომაც არა, როგორც ზოდონეთზე ვსსედეგართ ისე ბოსნიაკერცოვინას დაუაწვეთ!

გამომცემა ვალერიან გუნიასი.

გ ა ნ ს ც ხ ა რ ე ბ ა ნ ი

დროება ყოველდღიური გაზეთი. წლიური ფასი 7 მან. ნახევარის წით 4 მან. ყოთის თვით 90 კაპ. ცალკე ნომერი 5 კაპ. ადრესი: დიდი ვანჭის ქუჩა № 12. თიფლის, რედაქცია „დროება“.

ვეისრულთ ქალაქის და სოფლის მამულების ბანკებში **დაზიარავებას** და **გადაზიარავებას** ტფილისი, ბელინსკის ქუჩა, № 19, თავ. ხერხეულიძის სადგომი. დილაობით 8 ნახ. 10 საათზე და საღამოობით 5 ნახევ. 7 ნახევ. საათზე შეიძლება წერილობითაც.

ნაკადულის კრემია წრულ „ნაკადული“ ამლევს პრემიად მარკ-ტვენის თხზულებას „ტომის თავგადასავალი“, თარგმანი გრიგოლ ყიფშიძისა. ვინც სრულ ფასს არ შემოიტანს „ნაკადული“-სას მათ პრემია არ გავეზავენებად.

საკვირაო სკოლა 165 ემბერს სამრევლო სკოლის შენობაში ხელ-ახლა იწყება სწავლა ქალთა სკვირაო სკოლაში. მსუოველთ მიიღებენ არა ნაკლებ 14 წლისა.

ფასკუნჯი ყოველკვირეული მხატვრული და სალიტერატურო გაზეთი ფასი წლის დამლევამდე 75 კ. ცალკე ნომერი 5 კ. ადრესი: თიფლის. О-во Грамотности.

ტფილისის ბიუროს უფრნალ-გაზეთითა მთავარი წარმომადგენელი მიხეილ ვაჩეილაძე პროვინციის აგენტებს უგზავნის ტფილისის ყველა ქართულ რუსულ გამოცემებს. საჭიროა ახალი აგენტები ახალ ადგილებში. ადრესი: თიფლის, Соpонань Мих. Гачечиладзе.

ЗАКАВКАЗСКОЕ ОБОЗРЕНИЕ წლის დამლევამდე 1 მან. 50 კაპ. ცალკე ნომერი 5 კაპ. ადრესი: თიფლის, Эриванская площадь д., Гургенова. რედაქტორი გ. ამირჯები.

НОВОСТИ ЗАКАВКАЗЬЯ წლის დამლევამდე 1 მ. 50 კ. ცალკე ნომერი 5 კაპ. ადრესი: თიფლის, Эриванская площ. д. Кредитного О-ва. რედაქტორი. პართენ გოთუა.

თფილისი. ელექტრო-მბეჭდავი წიგნების გამომცემელ ქართველთა ამხანაგობისა. ვანჭის დიდი ქუჩა.